

ANEXO XIII: PROCEDEMENTO PARA A TRAMITACIÓN DE SOLICITUDES DE RECOÑECIMIENTO, NUN PROGRAMA DE DOUTORAMENTO, DE ACTIVIDADES REALIZADAS AO ABEIRO DE REGULACIÓN ANTERIORES AO RD 99/2011

PRIMEIRA: O artigo 20 do Regulamento de Estudos de Doutoramento (RED) establece que os cursos, seminarios, estadías e traballos de investigación realizados na etapa de tese e que non formaran parte formativa de programas do Real Decreto 778/1998, do Real Decreto 56/2005 ou do Real Decreto 1393/2007, ou a realización doutros levados a cabo en programas de doutoramento dunha universidade española ou estranxeira, poderán ser recoñecidos polos equivalentes dun programa de doutoramento. O alumnado que cambie dun programa de doutoramento regulado polo Real decreto 99/2011 a outro programa da mesma regulación poderá solicitar o recoñecemento das actividades realizadas no programa previamente cursado.

SEGUNDA: O alumnado poderá solicitar o recoñecemento destas actividades **entre o 1 e o 10 de novembro de 2023, ou entre o 1 e o 12 de maio de 2024**. Deberá presentar a solicitude a través da súa Secretaría Virtual, xunto coa documentación xustificativa da realización de ditas actividades, que deberá entregar na área de posgrao onde estea adscrito o programa de doutoramento. Debe indicar no apartado Efecto “Recoñecemento”. A Comisión Académica do Programa de Doutoramento (CAPD) poderá requirir un certificado expreso de que ditas actividades non constitúen parte do período formativo dos programas de doutoramento de orixe.

TERCEIRA: Previa comprobación da documentación polas áreas académicas de posgrao de adscrición administrativa dos programas de doutoramento, a CAPD emitirá un informe sobre a procedencia de recoñecer ou non ditas actividades e o trasladará á dirección da Escola Internacional de Doutoramento para que emita a correspondente resolución. Dita resolución será emitida antes do 8 de decembro, para o prazo de novembro, e antes do 7 de xuño, para o prazo de maio de 2024.

CUARTA: A resolución de recoñecemento será comunicada polo Servizo de Xestión de Estudos de Posgrao, tanto ao solicitante como á área académica de posgrao, que incorporará o recoñecemento ao expediente do alumnado e procederá ao seu arquivo.